

力行集

香畹自署

周香畹著

力行集

民國三十六年十月十日印行

序

古云：「詩必窮而後工」，又云：「詩言志，歌永言」，余茲感焉！余十八歲卽置身軍旅，効忠黨國，連年奔走於數千里外，異鄉異客，舉目無親，於國於家，毫無貢獻，境遇之惡劣，身世之艱難，自非筆墨所能形容於萬一，可謂窮矣！然詩不但未工，且多失之鄙拙，徒見訕於大方，古言之不足徵也明矣。雖然，詩無佳麗，而一字一句，均如熱血噴薄而出，以實記實，堪爲余之生命小史，不觀夫于「春晴」、「春夜」、「秋興」、「江上遊覽」之詠乎？此乃負笈校中，無愁無怨，日惟吟花弄月之時也。離家後，寄跡戎行，每因事與心違，語涉惻惻，洎乎升任中級軍官，雖仍壯懷未遂，不免牢騷溢露於字裏行間，然在在皆以國家民族爲念，而今而後，自信事業旣無止境，詩詠亦當語直氣壯，與日俱增，要之，情隨

境遷，詩以言志，其信然矣。

家父昌玖公，頗擅詩詞，余今日之能諳掌故，嫻聲韻，實胚胎於此。憶廿三年重九，曾吟「登高」一律，家父竄改之曰：「半嶺繞晴煙，鴻飛貼水邊，樹聲驚野兔，山籟雜寒蟬，紅葉千峯秀，清潭一鏡圓，他年遊此境，當記白雲天」。是爲學詩之濫觴也。自後偶有所觸，卽發之於詩，日增月累，集輯成帙，名之曰「力行集」，將付梓人。家父又郵寄疇昔窗課廿三章，朗誦之餘，總覺詞意梗澀，弊端百出，不敢梓以行世，貽人笑柄，嗣念此書旣名「力行」，首應好學，學則不能無問，旣學且問，則識余友好，定能知我諒我，惠賜斧削，卽素不相識者，顧名思義，亦當不致見笑，余奚病焉？余奚病焉？

民國五十六年中秋節香曉序於南京御史廊

力行集初稿

周香畹

春晴

漁歌互答正諠譁，花暖江城日始斜，
煙樹晴嵐紅似錦，野橋流水豔如霞，
井田漠漠一千里，宮柳依依百萬家，
極目鄉關何處是？鷺鷥鶻鵲臥平沙。

春夜

斷橋流水夜溪寒，欲向沙頭把釣竿，
何處清風吹翠幕？獨憐明月照朱欄，
花香入夢春情足，竹影橫窗燈火殘，
美酒一盃歌一曲，千金不惜賈餘歡。

初晴

力行集



(南)

拂檻薰風節序更，麥秋梅雨快新晴，金烏委照高樓徹。乳燕交飛遠
岫明，曲水小橋連野巷，淡煙芳草映邊城，最憐饒樂穿花蝶，來往
蹁躚影半橫。

江上遊覽

江水迢遙接翠微，徐行江上憩苔磯，錦鱗頽首依蒲戲，粉蝶輕身夾
樹飛，蕉葉舞風如鬧雨，柳條垂畔映斜暉，最憐黃鳥緜蠻囀，郁郁
青青草色肥。

徙倚尋芳興倍狂，碧煙接水逐風檣，遠山如黛添光景，半嶺餘霞送
夕陽，野廟向江春寂寂，古碑埋徑樹蒼蒼，晴嵐東射蟬聲急，遠浦
帆歸繫綠楊。

詠端陽節

曄曄榴花五月天，一溪梅雨一溪煙，相親相近洲中鷺，如泣如悲樹

杪蟬，垂岸楚腰憐細柳，臨波國色豔輕蓮。途中多少攜蒲客，坐看湘江競渡船。

節屆端陽綠影繁，楚江十里浪風翻，葬身魚腹千秋事，競渡龍舟一日喧，荷蓋已張原滌暑，榴花含笑媚無言，人悲屈子沉河底，爲問誰逢湘水魂？

秋日晚眺（調寄浪淘沙）

風舞竹千竿，水映霞丹，漁郎鼓棹泊江干，牛馬羣歸山色暮，雁陣驚寒，明月出林端，皎潔團圓，移來花影上朱欄，最喜鴻飛斜數點，萬里聲殘。

日暮白雲閑，葉落三山，江楓野鷺對童顏，萬籟發兮聲淅淅，鳥倦知還。舍北一溪灣，皓月如環，朋從聊憩坐花間，霞雁齊飛天外去，高出塵寰。

贈學友從軍

君才碩大日蒸蒸，拋却詩書事業升，文足三餘能繡虎，武嫻六略健如鷹，揚鞭慷慨雄無敵，破壁扶搖興欲騰，一葦輕航千里去，愧吾椎魯對篝燈。

淞溪夜雨浥塵埃，雲霧冥冥掃不開，馬齒未成難附驥，兄才到處應占魁，明朝解纜程千里，今夜圍爐酒一盃，渭北江南行靡定，不知何日故人回？

芸窗剪燭思情深，俊傑由來惜寸陰，此夜猶能同雅詠，他年安忍獨愁吟？班生投筆符前志，祖氏聞鷄愜素心，異日凱旋相拜挹，彈冠待薦爲知音。

夏

雲平川闊遠天低。花滿園扉柳繞隄。竹徑風清無客醉，槐庭氣爽有鴉棲。蜻蜓點水深溪北，蝴蝶穿牆小院西。最是嬌鶯來往慣，每經門巷亂聲啼。

秋 暮

（調寄武陵春）

晚眺斜陽明野舍。虹照錦江鱗，紅蓼白蘋滿渡濱。波皺碧鄰鄰。日暮文竿多比目，漁父釣前津。樹樹秋來別樣新，花徑起香塵。

秋 興

淞溪如帶漢宮秋，不盡涓涓晝夜流。風蕩雲沈青草岸，柳飄竹拂碧沙洲。山樵唱晚歌聲遠，征雁迎秋宿雨收。篤志高朋勤學識，焚膏繼晷月當頭。

湖鼻廟前蕉正綠，淞溪河畔稻偏青。桂花簇簇香三徑，日色融融透半櫺。高下燕穿深截岸，往來人憩永興亭。偶然蕉籟疑爲雨，危坐

披襟隔壁聽。

野僧閑處白雲深，烏鵲南飛覓故林。流水夕陽光冉冉，奇花動影夜沉沉。龍蟠江表千秋石，虎嘯山深萬葉吟。最喜碧潭一面鏡，半灣新月點波心。

秋望（調寄清平樂）

白花吐蕊，游女祁祁取，徧插芙蓉秦地舞，留得芬芳滿樹。牂牁楊柳垂隄，冷冷山溜盈溪，飛鳥欲棲更急，祇緣紅日沉西。

賀學友結婚

皓齒朱顏巧畫眉，如兄如弟唱相隨，洞房花燭風流契，錦帳情濃綽約姿，玉杵搗殘紅粉淡，瓊簫吹徹翠環欹，勸君莫爲香閨燭，免致清晨作夜時。

春 雨

崇山輸綠漲橫陂，春雨瀟瀟浸曉帷，豐草蒙茸鋪北苑，豔花蓓蕾綴東籬，輕舟盪槳濤初急，高岸凝烟柳半垂，有淦萋萋籠遠岫，江隄漁叟一簑披。

暮 春

紅翻桃浪滿春江，漾水如苔映木杠，曉倚牆頭貪野望，亭亭竹影上紗窗。

夜行江上

團團明月照林端，風吹千竿竹影寒，一曲歌聲傳水閣，數羣螢火渡江干，輕蓮出浦花偏暗，細柳垂隄色可觀，北斗七星橫巨浸，山川相繆擬龍蟠。

感懷詩十五首 并序

予年未舞勺，性好讀書，習諸子百家之篇，求九洲萬國之學，雪窗螢火，爭自濯磨，寸晷風簷，願抒抱負，何期東窗高臥，北道嗟貧，遂投筆從戎，效班生破浪之風，而命舛時乖，作相如凌雲之泣，一落孫山之外，一居康丁之中，感陋巷之四壁蕭條，困矮屋而一氈悶坐，聽胡笳牧馬之聲，傷心漠北，歌楚帳逝騷之曲，無面江東，嗟呼！歲月不來，青春易老，行將由壯而老衰矣，不更悲傷哉？然事已至此，追悔無及，甞勉從之，或當有取，惟盡人事以待天耳，其何可目及而灰心耶？

時來花鳥展春暉，苦我昂藏無所歸，一捲書簾一洒淚，可憐心事兩相違。

夜深燈燭剪殘灰，莫厭青雲暗裏催，事業未成徒痛于心螢火不知奇士恨，依然猶照案書來。

不少風雲際會期，半相自勉半相思，難書最是心頭恨，訴與蒼天明月知。

憑窗日日擬離虫，辜負經綸滿腹中，今夜那堪山月暗，杜鵑聲恨五更風！

壯懷投筆幾經年，滿腹牢騷夜不眠，一片雄心何處去？芸窗螢案兩茫然。

年年攻苦夜憑欄，祇待春花馬上看，流水無風雲影淡，班生何處破狂瀾？

冷落蕭齋絕似冰，蛩聲窸窣耿孤燈，雖年已抱凌雲志，要踏人間最上層。

何期塵面碧紗籠，踏破鐵鞋事事空，今我借杯澆碗礪，醉來呼作信天翁。

徒食天地間
其奈我何

兩試青萍不肯休，尙思征棹五湖遊，詎知滄海難爲水，野草閒花空對愁！

歲寒不改傲霜姿，羞託黃緣牛後隨，細讀離騷無限恨，舊肩原是刺

心時！

虛堂兀坐困無聊，孤憤熱中似火燒，壯志未酬生不返，效顰司馬矢題橋。

夢回虛枕待窗明，依舊風光獨慘行，自去自來無箇事，牀頭金盡可憐生。

由來忠孝兩難全，死作國魂骨亦香，壯士正宜輕七尺，那堪桑梓任徜徉！

孤身猶似白雲閒，萬里飄然明月間，一死人生終不免，天涯何處無青山？

不情風雨挾愁來，境入艱難意豈灰？年復一年容易老，人生經得幾徘徊。

出征

少年豪氣壓神州，渾箇生涯不我由，今也試爲官裏去，依然疑是夢中遊，題橋豈盡違人意？按劍原期報國仇，勉赴前程休畏却，好將功業播千秋。

中秋月夜行軍至高橋

柳絲拂岸擁晴煙，戰地行軍思惘然，露冷莎鷄哀夜永，星稀胡雁斷天邊，秋蓮半作秋寒落，月餅還同月亮圓，遙想去年今日事，愁腸不應怨嬋娟。

失題 於瀏陽楊家灣

同人破壁盡騰空，何我獨居康了中？熱血滿腔呼負負，徒將餘淚洒秋風！
一窗月影感縱橫，被冷燈殘夢不成，鶚薦謬膺心帶愧，何顏歸見孔先生？

壯懷時勢造英雄，一旦鵬搏萬里風，若個有材偏忌用，蒼天未免太朦朧。

我本疑山一士人，壯懷投筆拔風塵，緣他初面不相識，未許仲由來問津！

客窗風味盡淒涼，孤影踉蹌對短牆，可惜經綸今未展，駒光虛度齒加長。

落花吟

落花墜地悄無聲，道是無情却有情，爲唱故園金縷曲，及時策蹇赴前程。

重到瀏陽夜聽雨聲有感

陌頭楊柳鎖寒煙，風景依稀憶昔年，幽怨一腔何地洒？願憑心事問蒼天。

客窗寒夜倍淒涼，風雨瀟瀟似故鄉，最是更深人不寐，幾回欲起幾迴腸！
兼天風雨洒松梢，十里秋聲吼夜潮，往事不堪重記省，曉窗江樹漫迢迢。

夜宿瀏陽古港懷舊

昔日春來今日秋，山川未改舊時遊，情同宿鳥惟沈寂。心似浮雲任展收，遠浦樹寒煙半擁，滿江星映水平流，回頭追憶當年事，虛度韶華不勝愁！

日暮聞笛

窗外寒風冷透紗，西山日暮半雲斜，數聲吹過冬空碧，總爲幽人惜落花。

夜宿高枕不寐

人到窮途百怨生，清愁難遣夢難成，夜深照盡天邊月，白露爲霜江上橫。

聽鳥聲有感

莫嫌白髮爲身催，書劍飄零感一回，難恡人生容易老，黃鸝今又喚春來。

登台望月

望裏河山半劫灰，萬方多難此登台，嫦娥不會人心事，遮莫清光照上來。

感事

到處流離有夢思，異鄉羈旅更淒其，前程莫謂無知己，正是黃鶯出谷時。

午夜書懷

幾年伏櫪故人疏，靜日生涯爲讀書，明月滿懷羞自照，小窗抱影守空虛，無能未作搏風鳥，有志終成縱壑魚，駟馬高車今何處？昇仙橋下問相如。

詠雪

二十九年一月廿一日于修水渣津

六出先飄大有年，小樓昨夜惱人眠，一朝改盡江山舊，起視翻疑別有天。

戲擬籠中鳥語

懸住簷端積怨多，青春大好等閑過，含情欲說宮中苦，偏道余歡籠

裏歌，幾度雄飛鳴去也，此生無奈命如何？四隅觸罷長惆悵，怕看鶯穿柳下梭。

書事 二八年十一月廿三日

小園日暮隱悲笳，身事蹉跎感物華，簾捲西風時觸發，依然流落到天涯。

雪夜行軍至程坊（調寄浪淘沙）

積雪浸征鞍，襟袖生寒，清淒刀斗夜將闌，平野作氈天作帳，歷盡艱難，對月暗悲酸，碑碣沒觀，或爲「影」前程沙白憶漫漫，不信哥哥行不得，啼鳥聲殘。

方君楚英奉調赴暫編第六師服務賦此以壯其行

寒風苦雨遍江城，等是陽關離別情，此去願爲天下望，雲山千里送

君行。

驪歌騶唱慢相催，臨別欲行酒一杯，料是黃鸝遷古木，暫時分手莫徘徊。

小園山口冷煙低，夾路垂楊繫馬蹄，此日揮毫留別意，閑愁離恨兩悽悽！

春景

二九年正月廿九日于銅鼓溫塘帥家

春風裊裊日遲遲，綠柳纔垂未掛絲，二十四番花信早，流鶯啼上竹林枝。

梅花零落桃花開，二月春城欲把杯，最是東風能醉我，桃花林裏送香來。

雜感之一

甚得新愁還舊愁，迴腸萬轉似春流，身多拘束不如鳥，東去西來唱

自由。

昨夜寒風却倒吹，落花四處悵流離，傷心國破茫無路，怕向窗前聽子規！

日暮聽啼鵲

杜鵑啼過綠楊煙，不是尤人是恨天，料得春歸留不住，牢騷腹裏打周旋。

感時

碎綠殘紅日又斜，風光底事負春華？連年飄泊無多是，指歎生涯類落花！

年年春去又春回，欲遣人生有限盃，可惜落花春不管，儘教風送出牆來。

當少年時嘗雄俊自豪而今壯懷未遂流落天涯時聽子規
初啼聲聲催去故園之念不覺旋迴腦際矣

少年雄俊欲騰名。只恐飄零誤一生。聽到子規新喚處，不禁又起故園情。

由冷水灘至零陵船上

滿江風雨夜寒生，欲寄相思夢未成。遙望家山何處是？數聲櫓櫓下芝城。

端陽節看龍舟競渡口占

龍舟競渡片帆飛，萬頃波光接翠微。兩岸曉風吹欲醉，蓮花初綻子初肥。

瀟水泛舟

瀟湘江上泛舟還，水碧沙明映遠山，最喜綠陰深處去，淨心冥坐對潺湲。

朝陽巖上

朝陽巖上探家鄉，斜倚荒碑對夕陽，望斷瀟湘雲水濶，幾船簫鼓盪蒼茫。

雜感之二

白楊日暮動蕭蕭，人語空山破寂寥，飄泊窮年悲老大，低徊心事淚如潮！

躍馬

躍馬披襟意氣豪，南來北去不辭勞，人生只爲前程計，怕看浮萍與繫匏。

自箴

滿目皆兵象，投荒未足哀，流塵驚野馬，無事愧非才，命也嗟多難，時乎不再來，前程須努力，失敗莫心灰！

可憐

可憐歸去道無因，萬里飄然一粟身，末造人才誰賞識？窗前明月最堪親。

十一月十五夜泊安鄉口占

臥薪嘗胆願皈依，處事誰無話是非？北轍南轅遷轉慣，一江風月自霏微。

日暮過洞庭湖至沅江

洞庭再渡煙波穩，沅水重來情意溫，一片湖光看未了，風生月上又

黃昏。

洞庭湖中偶成

淡煙斜日洞庭秋，款乃聲中自唱酬，萬頃波平天一碧，征帆遠看似沙鷗。

旅懷

旅懷家萬里，客久日千庚，別恨歸心急，更深對月明，星稀胡雁迴，程計楚山行，側耳宵笳響，初眠夜角驚，路遙空涕淚，鄉思雜楸枰，兄弟天淵隔，悠悠夢不成。

萬里

萬里長征一鐵衣，刀光劍影逐雲飛，男兒最是開心事，奪斬倭頭帶血歸。

自題照片

二十九年冬於桂陽

不變廬山真面目，鬢毛却比舊時青，細看是我疑非我，對影應憐太瘦生。

三十四年春於四川西陽

七年羸馬一戎衣，客裏遑論瘦與肥，昔日雄懷曾記否？
因離家之前余曾有壯志未酬

生不返天涯何處無青山二句勸君相踐莫相違。

三十六年夏於南京

身心常健事常違，輪廓依然面目非，對影自憐還自笑，書生偏着戰爭衣。

雜感之三

艱險人情碾不平，自憐力弱噤難聲，一經挫折一經驗，事業原從患難成。

山寒葉落舞沙沙，醒看窗前月半斜，莫道世間知己少，一槍到處是生涯。

雜感之四

三十年三月廿七日於松滋暖水街

來往何嘗任轉移？去年流落正今時，滿眶熱淚愁回首，看破中原一局棋。

雜感之五

三十年五月十八日於松滋暖水街

死裏求生年復年，一身猶似夜行船，茫茫不辨天南北，欲渡顛危何處邊？

哭祖母

三十年十月十九日於澧縣杜家巷

三年戎馬任馳驅，強息鷦枝愧不如，憶昔一言哭未了，歸來知我死還無？

憶昔憑幃聆法語，而今何處慕芳規？歸來欲見音容逝，宿草蕭蕭繞墓祠！

迢迢一紙問歸期，待得歸時已不知，悔昔瀟湘曾兩度，不歸何事致遲遲？

欲見兒孫此後難，而今只作夢中看，人生儘有傷心淚，事到傷心淚已乾！

余接讀家信時祖母死已三月矣。

由長沙至常德船上 三十二年元月十二日於臨澧口

別矣七三軍作另謀，此行多喜復多愁，前程但願如江水，一去悠悠無盡頭。

生辰誌感

三十二年於宜昌樂天溪

春寒料峭夢難成，駒隙光陰歲已更。弱冠年華傷潦倒，半窗月影感縱橫，枕戈豈異劉琨志？投筆渾同宗懋情，壯士由來輕七尺，名標史冊死猶生！

三十三年於恩施白楊坪

荒唐歲月太無情，一度生辰一度驚，千里關山爲客久，九邊烽火幾時平？紙窗夜靜東風急，紗帳春寒曉夢清，遠處聞笳增敵愾，枕戈自古趁鷄聲。

三十六年於徐州賈汪

十年書劍逐征塵，百未一成歲序新，志定中原懷祖逖，名留青史具輪囷，不將得失縈高枕，且詡安危仗此身，無限前程無限志，飄零那復記生辰！

詠鄂西大捷

鄂西大捷震球寰，屏障羸秦百二關，試問倭奴何所得？長江滿載臭屍還。

可笑倭奴勢太孤，前方強戰後方虛，若將封鎖長江渡，百萬形成轅下駒！

哭二叔死於非命

航信忽從天際臨，捧來半喜半驚心，原來噩報非祥報，展讀將完淚滿襟。

夜雨孤燈倍暗傷，豈知人禍起蕭牆？此仇誓不同天戴，惟恨歸無縮地方。

自恨飄零志未舒，報仇未便賦歸與，光元兄弟心何毒？淚眼驚看驗斷書。

思家那禁淚雙流？一日形成一代憂，幸有龍泉今在手，十年歸去爲復仇。

中秋月夜紀事

三十二年於秣歸老林河
今宵行樂正當時，明月滿懷酒滿卮，來歲飄然又何處？半牆花影移遲遲。

三十四年於建始上壩舖

逢人淚眼問桑麻，親老家亡念念賒。此時家鄉淪陷已週年矣若謂此生無大就，惟將一死報邦家。
莫愁憂患莽無窮，自古名成汗血中，陡憶十年今後事，立言立德亦英雄？

日暮書懷

弱冠從戎意氣奢，平生未敢負春華，裹屍渾似伏波志，脫穎無如毛遂誇，祖國興亡人有責，故園歸去我無家，斜陽滿地誰相惜？祇此雲山萬里遮。

附錄江鉄城見和一首

客中未敢興豪奢，芳草斜陽感歲華，堅苦不妨行我素，清寒也應向人誇，生逢亂世常憂國，身比飛蓬莫問家，欲指金戈揮落日，前途休讓萬山遮。

元宵懷景芝哥哥

三十三年於恩施白楊坪

佳節思親如見之，月光依舊照林枝，阿兄憶否當年事？今是銅城離別時。

附錄芝兄於三十六年是日見和一絕

新春風雨苦無之，獨坐寒窗筆一枝，寄語重溫傷往事，而今八載又其時。

暮春卽景

草滿田疇水滿池，暮煙如霧雨如絲，桃花落盡桐花放，又是春歸夏至時。

雜感之六

三十三年十二月二十日於龍山城

年來心事總相違，不怕槍彈怕是非，爲問政工多少淚？更深惟有背人揮。

三十三年除夕有感兼示侯蘭齋同志

一年容易又經春，故我依然歲月新，等是有家歸未得，天涯長作宦遊人。

暮春卽事

三十四年農曆三月三十日子酉陽龍潭

瑟瑟蕭蕭晝掩扉，一簾疏雨晚風微，故園久別難爲客，無那春歸人未歸。

閒愁如草剪還生，底事相思夢不成？最是春江臨水照，鬢邊無復舊時青。

留別六七同仁

少小離家出渣津，飄流何處不愴神？性成傲岸才難用，事到顛危時認真，廿載久嘗勾踐膽，一坵休老大夫身，從今別卻吉安政，六七字要做江南第一人。師代

除夕雜感

二十八年於銅鼓溫塘

關山戎馬動經春，一樣風光獨慘形，亂事如絲纏故我，連年作嫁總
依人，飄零恨是風塵異，患難愁逢歲月新，挑盡孤燈腸欲斷，熒然
無語淚沾巾！

三十三年除夕軍次龍山因家鄉淪陷音信久隔不勝悲憤乃於百感
之餘率賦七絕寄呈 家父

家亡國破欲何之？正是男兒報効時，休問疆場人在否？從來豹死也
留皮。

征軺歸去渺無期，一棹蒼茫任所之，兒未成名親已老，傷心生我不
逢時！

男兒立志勒燕然，莫向東風泣杜鵑，來日生民方大難，惟今猛着祖
生鞭。

湘南湘北滿胡騎，千里家山入夢思，最是邯鄲回首處，依稀猶聽故宮詞！

故園南望淚縱橫，一事相思萬事驚，七載流亡何所有？清貧猶是舊書生！

韓信魚鉤王播鐘，由來時勢造英雄，此行已決平生志，不是成功便盡忠。

我行南北又東西，七載征塵遍楚齊，家破欲歸歸未得，子規休向耳邊啼！

三十五年於徐州賈汪

異鄉羈旅有誰親？萬里關山萬里身，每寫家書頻拭淚，勞勞風雪未歸人！

來朝又是一年春，况復天涯滯此身，遙想故園今夜裏，樽前應念未歸人。

西陵峽畔口占

心似峽雲西復東，安危常願與人同，
匡時有志莫愁老，報國無由豈道窮？
自古拂行將大任，當今才是出羣雄，
渺然海粟休珍惜，創業煌煌汗血中。

哀政工

屈指年來事事空，而今憂患有誰同？
難忘六七辛酸淚，悔不當初爲政工！

步胡鏡冰女士見贈原韻

一事無成鬢幾斑，家山回首不勝寒，
卿卿休唱陽關疊，相見時難別亦難！

附錄原韻

試花霏雨濕斑斑，春盡山邨猶峭寒，今後不知魂與夢，別時容易見時難。

蕭蕭

蕭蕭黃葉一鞭秋，人自傷心水自流，不信將門曾有種，酒闌拔劍看神州！

宜昌旅邸題壁 三十四年雙十節

英雄失意竟誰尤？知己難逢又一秋，蒿目每多禾黍感，匡時終仗霸王謀，浮生縱未千年計，壯志何曾一念休？去去勉爲天下事，功成不必望封侯。

金縷曲（宜漢船上有感并呈家父）

我亦飄零久，憶別來，艱難險阻，而今嘗透！七尺微軀何足惜？

無那事功未就，年復當年日昨日，雖是鬢毛非昔比，但一腔熱血仍如舊，幹到底，憑雙手。閤家兄弟平安否？念多時，魚沈雁杳，杜陵消瘦！際此戰爭已勝利，特寄數行問候，不願萬戶侯封受，但祝錦衣歸去兮。青山不老月圓人壽，樂洩洩，長聚首。

月夜登黃鶴樓集句

江山重復怯登樓，冷浸梧桐月一鉤，往事不堪回首憶。等閑易老少年頭！

青山北郭路登登，夜色樓台月數層，江岸維舟看不了，故園歸夢入孤燈。

寄劉瓊白女士

八年囊劍逐征塵，前綫歸來一病身，
當時余正病瘡枉受卿卿青眼顧，傷心愧我未成名。

訂交記得去年春，琴瑟相調豈認真？我住瀟湘卿住皖，天涯同是未歸人。

記曾

記曾于役去平頭，力蹶身疲不勝愁，休道當年事已往，枕邊痕淚至今留。

三十五年元旦口占

事成多是在難中，飄泊人窮志不窮，但願鵬程千萬里，此身那得恨飛蓬？

弱冠從戎志四方，立功立德兩無妨，而今八載成何事？符號藍邊只換黃。

次韻答景蕓三弟

三十五年三月六日于武昌

故園一別八經春，舊夢重溫事事新，弟齒日增余日壯，天涯同是斷

腸人！

鄉夢初回獨擁衾，守身今我愧曾參，此行未遂封侯望，願死沙場葬茂林！

當初題詠字猶新，要做江南第一人，八載而今成底事？區區無復少年珍！

別來無地不相思，世事如雲豈自奇？我志未酬親又老，子規聲裏喚歸遲！

次韻再答景慕三弟

三五年三月廿六日子武昌

北轍南轅任所之，關山萬里一征騎。家貧親老堪爲慮，異地相思無盡時！

千里家山入夢思，懷歸怕誦王維詩，一腔熱血今猶昔，只是人非離別時。

史冊標名萬古留，揮戈一戰豈甘休？而今不有沖天舉，入彀英雄亦白頭！

海角天涯共九州，行雲流水日悠悠，戰場有幾生還客？三弟無須再宦遊。

附錄 蕙弟「除夕懷兄」及「夢兄」各四絕

年年憂鬱度青春，歲月常新人不新，記得兄離余尙少，而今已是念餘人。

當年手足臥同衾，今則天涯商與參，一去從戎忽八載，何時衣錦返園林？

佳節團圓物候新，那曾不念宦遊人？阿兄休詠王維句，遙祝天涯善自珍。

家鄉無恙漫相思，爲國馳驅務立奇，但祝前途無障礙，成功休問早和遲。

昨夜朦朧如見之，夢兄門外下征騎，承權笑語和顏色，猶似當年離別時。

虛無縹緲作空思，聊誦少陵落月詩，顏色不知猶昔否？如魂如夢竟何時！

八年南北大江留，只爲東洋戰未休，海國三洲今作隸，家山萬里應回頭。

兄弟分離各一州，北天遙望意悠悠，得機近駐當相見，我志必將從汝遊。

據鞍 三十五年五月一日於由武昌至徐家棚道中

據鞍又見日西斜，底事傷心淚欲麻？不是無家歸未得，有家歸去似無家！

夢歸 三十五年五月廿一日於武昌徐家棚

斜日一鞭路轉迷，松青柏翠半高低，歸來無限滄桑感，昔日東流今向西！

簡葛慧貞女士

木蘭良玉證前生，只恨當今名未成，巾幗緣無脂粉氣？枕戈渾是丈夫情，願爲家國千秋計，不惜沙場萬里行，如此身才如此志，女人有幾似卿卿？

接讀家信有感

三五年六月廿二日於武昌徐家棚

展開魚素憶從前，人事滄桑百感煎，時亂年荒親已老，一回書到一潸然！

寄未婚妻曹某

三五年六月廿九日於武昌徐家棚

赤繩繫足豈其真？佛說原來怨是親，借用如我負人今已矣！憐卿重

覓洞房春。

悼謝君世元

三十五年十月一日於徐州賈汪

人間花草太匆忙。（或無端風雨費猜詳）底事摧殘暗感傷？南望鄉關千萬里，夢魂飛不渡瀟湘！

北馬南船萬里征，遺言今我未遵行。謝君臨死時曾託余將其遺骸運回桑梓詎伊死後二日余即隨軍西上繼又奉調南來輾轉靡甯至負遺言而殘燈孤館愁無那，腸斷西風雁一聲！今思之可憐亦復可痛

寄家

（調寄虞美人）

三十五年十月廿四日於徐州賈汪

飄流萬里秋如海，國破山河在，者番光景有誰親？最是西風先瘦異鄉人！離情解釀新亭醉，滴酒都成淚，丈夫立志出雄關，不惜伏波馬革裹屍還！

感時

三十五年十一月廿三日於徐州賈汪

駒隙韶華不可留，衡陽雁陣又橫秋，飄零江海身千里，起舞沙場月一鉤，上國由來尊道統，中原誰與劃鴻溝？時共產黨曾有割據某地之說澄清有志渾無力，立馬高岡只自愁！

秋風

秋風老去月黃昏。怕向南天望故園。偷昔征衣今尚在，可能重覓舊啼痕！

燕子樓懷古

三五年十月六日於徐州城

四圍牆外一渠水，中是當年燕子樓。燕子不來秋已老，至今人恨白江州！

南鄉子

（寄鄭謙學兄）

風雨十年燈。作字觀書喜得朋。別後每因鴻雁斷，於今，羨君學

業日蒸蒸。深夜案凝冰，頻看玉影興偏增，萬里相思人不見，此心，却隨明月到金陵。

次韻答馮麗山兼簡

異鄉羈旅各西東，萍水今朝喜又逢，才別半年征萬里，羨君獨具古人風。

有酒逢君勸莫違，他鄉作客故人稀，台莊此去無多路，十里春風護馬蹄。

莽莽中原無日寧，連年戎馬戰仍頻，勸君莫問前程事，同是東西南北人！

國事蜩螗欲指戈，每因流歲歎蹉跎，無功幸有輪囷胆，熱淚何如熱血多！

附錄原韻

戎馬匆匆西復東，投鞭今喜故人逢，好同煮酒傾離緒，不減悲歌慷慨風。

深慚半載故人違，兩字平安我亦稀，若問別來何所事？關山銷盡鐵輪蹄。

風雲擾攘那能寧？離合悲歡事固頻，同是茫茫塵夢裏，天南天北總勞人。

周君前在南方行役時曾有「天南塵夢」之作

禍亂相尋諱止戈，戎行逐逐感蹉跎，知君淚似山泉湧，我比君來淚更多！

周君近有「淚」之作引古代忠臣志士之淚以自喻

步芝兄「懷弟」原韻 三十六年二月十五日於徐州賈汪

漠漠春城雪未消，信來今已過元宵，憂時洒遍途窮淚，歸夢多如雨後潮，且喜爺娘身尚健，自稱豪傑事非遙，捐軀報國從茲去，廿載勳名萬古標。

附錄原韻

賁酒消愁愁未消，無端今又到元宵，八年離恨若春夢，一片遐思付晚潮，雨雪方知征戰苦，臨風追憶雲山遙，慈嚴久別休懷念，願得芳名史冊標。

寄張普羣（調寄虞美人）

西來東去數千里，飽歷風塵味，勸君策蹇赴前程，慘澹經營十載自成名。夜郎一別三年了，歡會何其少？今朝同上雲龍遊，知己相逢應記在徐州。

短衣

短衣匹馬出鄉關，十載飄零人未還，漫詡雄懷家國計，夢中猶自唱刀環。

久未得家書不勝系念賦此以呈雙親兼示星沙曼芬二哥

男兒浩氣奪三光，志在鵬程心在鄉。

「父母在不遠遊遊必有方」雖然公爾忘私國爾忘家但以兒女情長又何能忽然置之

寄語雙親休念我，此身不惜死沙場！

欲盡區區報國恩。鸞輪直駛入都門，男兒別有傷心在，一事無成祇淚痕。

偶成

異域立功馬伏波，壯懷渾似奈名何？江東父老羞相見，歸夢毋須夜夜多！

送譚振南學兄返湘履新

世亂頻爲客，君歸在我先，前途無止境，後會不知年，故國方多難，獻身其着鞭，別來一回首，明月正娟娟。

步萼弟「旅京雜感」原韻

回首鄉關隔萬重，江南江北遍行蹤，十年我亦飄零甚，獨聽斜陽古寺鐘。

附錄原韻

故國山河百萬重，天涯何處托孤蹤？人生儘有飄零感，怕聽寒山夜半鐘！

贈萼蓀兩弟南歸

離合悲歡豈自知？不圖今竟在京師，家鄉父老如相問，爲道哥哥似舊時。

無限關山無限思，艱危來日賴扶持，人生自古傷離別，况復客中送客時！

七月二十三日有紀 并序

七月二十三日，爲余軍隊生活揭幕之始，歲月不居，恍惚又十年矣！惟愧學識譾陋，建樹毫無，感世事之艱難，念前程之輻輳，此生誠不知將何結局？更不知將何面目歸見江東父老也。每逢今日，感慨特多，爰就所懷，書爲偈句，非敢言詩，聊以自景云耳。

二十七年於家中

江山易老月昏黃，蓬矢棘弧震四方。投筆心雄探虎穴。學書計短棄瑩囊。寧爲絕域伏波死。莫效窮_〰阮藉狂。自此馬頭岡別矣！
馬頭岡是余世居揮戈躍馬指扶桑。

二十八年於零陵

西風掠葉覺秋寒。回首年來五內酸。做事恨無三要素。
本領背景氣運爲做事三要素儼居幸有一平安。動心豈爲風塵困？忍性何妨時勢難。再過瀟湘飄泊慣。月明猶似舊時看！

二十九年於湖北公安

忍從離亂事優遊。湖海飄流不繫舟。報國無方空有志。浮生易老願難酬。廿年小計終須盡。百鍊初心豈自休？一去家園今兩載。韶華苦不爲人留。

三十年於江西上高

夜雨迷離夢獨清。西風時作不平鳴。三年苦幹成何事？廿歲無爲負此生。燦爛前途須力憤。艱難來日應心驚。青年第一經營事。不問收穫只問耕。

三十一年於湖北宜昌

四年戎馬苦奔波。前路茫茫歲月過。憶昔每逢身世恨。而今猶有淚痕多。我生未必無成處？他日當知受折磨。但望扶搖千里去。大風海上斬蛟鼉。

三十二年於湖北秭歸

人生恰似逆行舟。不進當多廢退憂。硬幹十年今已半。徒慚一志未曾酬。從戎豈失班生望？搏虎終爲馮婦羞。事業韶華休負了。從今惟有苦埋頭！

三十三年於湖北恩施

啓匣應教劍躍空。少年英銳貫長虹。備嘗艱險方爲偉。建樹元勳始謂隆。大業歸宗惟大志。成仁無餒定成功。閨中人夢河邊骨。誰與斯文慷慨同？

三十四年於湖北建始

廿四年無一事成。不須惆悵不須驚。王侯自古云無種。憂患當今豈幸生？入夢莊周迷蝶影。臨風張翰憶鱸羹。南來儘有滄桑感。都付蕭蕭葉落聲。

三十五年於江蘇碭山

遍踏江南千萬里。而今北地又重來。中原烽火驚刁斗。故國山河半

劫灰。獻策偏多宣室感。登壇寧讓絳侯才？八年戎馬輪臺戍。漫詡
功成按轡回。

三十六年於南京

短衣匹馬走天涯。張儉飄零豈憶家？人是廬山真面目。才輸洛水負
年華。此身不惜沙場死。報國胡爲名利嗟？截鐵斬釘無畏縮。晨曦
初上樹初芽。

